

問水集卷二附

告文

溯長河而徂征觀洪流之浩渺莽川原其陸沉曰
新漲之橫森翳發源于星海遂九折而東之下崑
崙之崱極絕萬里以奔馳迺迤運乎秦晉阻群山
之東隘出砥柱之險巖遂奔騰而澎湃慨中州之
為域地平行而土踈恣湍流之衝盪瀾千里其沮
如
皇建都于上游輓江海以供億邇徐呂之巨洪藉
茲水以利濟何邇流之弗循倏南北而頻移民屋

問水集卷二附

一

為之昏墊運道為之填淤嗟防禦之孔艱殫財力
以從役柰濟決之橫加畢智力其何益
皇命予以將事迺爰諾而廣詢咸咨嗟而嘖感曰
匪人力之所能蹇予生之寡昧其何藉以底績庸
齋心而禱祈覲孚佑之昭錫諒神心其鑑止儼龍
璽之恍臨羗民生之足憫矧國計之匪輕期分派
以順注舉安流而循軌肆海口共宏深吞長淮而
共委全至仁于潤澤歸盛美于神功慰群情之仰
賴亦何有于眇躬

右銅瓦廂告河文

惟茲大明厥壤衍平地重畿輔衛我
神京郡之南鄙瀕于河濱巨埽連比長堤互縈衆
材畢舉百役胥營全我民命匪與河爭夫何洪流
激射駭浪崩轟橫波直指巨障隨傾力排捍禦萬
口爭惶卒歲勞止不遑底寧天和等寔司治水心
切憂忤式陳牲醴載潔粢盛于焉徼福凱河神明
安流循軌下注滄瀛地靈効順天吾不鳴役夫息
肩堤柳自榮漕渠利濟廣土畢耕上裨國計下遂
民生神功潤澤于焉允成合詞以奠鑒此群情

右杜勝集告河文

於惟大河發源西極萬里奔騰舉天下之水莫加
焉潤澤中土兼濟漕河舉凡水之利用莫加焉今
天子仁聖秩祀明禋祇維敬慎何邇年河流猶未
循軌往者既決岔口豐沛之水北徙魚臺矣茲者
魚臺之口漸塞梁靖之流復微下壅上盈神機罔
測豈惟齊魯兆民昏墊是虞抑恐徐兗運道因之
淤阻天和等治水于茲大懼寡昧無以仰副
天子明命謹率屬吏齋沐以禱惟神其相之大開
梁靖之流兼通夏邑之口斂束橫溢順注安流以
上裨國計下奠民居以丕顯神休天和等亦允有

賴馬

右梁靖口告河文

孟津而下河乃橫奔北吞為濟南溢為滎惟茲渡口故河所經通塞靡常疏濬頻興歲惟癸巳天子憂勤爰命司空分屬咨詢咸謂茲水為繫匪輕下趨鳳泗中經

園陵未可遽通惟宜永堙越歲甲午仲夏三旬河忽大決遠邇震驚曾未踰夕遂淤而平萬姓稽首頌河神明上答

天下下慰輿情天和等治水之功感賴咸臻自茲

問水集卷三附

三

以往觀河效靈順注淮海故道率循兼濟二洪運道底寧懋昭利用允賴平成式陳明薦有假茲禋

右孫家渡告河文

惟茲原武比接江荆惟河故道亦既久堙南徙滎澤窰邇孫渡中經

園陵詎曰細故頃以伏漲渡口倏淤人力何濟神實相予乃溢北堤衝決數四無何底寧神實予昇天和仰承

明命中切殷憂神不責報予敢忘鼎乃潔粢盛乃陳牲醴爰荅洪休復邀遐祉神其俯鑒中流率循

北無潰溢南無憑陵上重國賦下憫民窮豈予私
禱聿顯神功

右原武告河文

維趙皮兮分流歲丁亥兮伊始保北岸兮無虞賴
南流兮迅駛維下流兮渦河寔中經兮
園陵合長淮兮吞噉慮

皇寢兮匪寧維中土兮疎薄恐湍流兮橫溢忍赤
子兮流離嗟田廬兮墊溺維蘭陽兮儀封寔三面
兮瀕河悲浩渺兮巨浸駭衝蕩兮洪波籲真宰兮
無從盼長河兮祈祀羗民命兮匪輕諒神心兮鑒

問水集卷二附

四

只循中流兮順注迴渦水兮宿遷衛陵寢兮遙洪
奠城部兮永全通支流兮夏邑濟二洪兮徐呂益
昭美兮神休冀孚假兮茲旒

右趙皮寨告河文

趙皮疏導河始南徙睢當其衝罹患極矣洪波巨
浸平壤沮洳田廬墊溺赤子流離天和等流水于
茲心切驚惕菲薦式陳馮流籲祀惟神其鑒之

右睢州告河文

惟茲寧陵最爾小邑洪河南流肆境胥溺室廬昏
墊粒食孔艱問水觸目驚心慘顏式潔性牢秉誠

以祀我詞匪飾神其聽只全我民命奠我民屋神
休丕顯我心始紆

右寧陵告河文

88

問水集卷三附

五

